



Број/Број: 03/1-50-1-7-49 /10
Сарајево/Sarajevo, 29.3.2010.

Članovima Zajedničke komisije:

Šefiku Džaferoviću, Vinku Zoriću, Dragi Kalabiću, Mirku Okoliću, Selimu Bešliću, Sulejmanu Tihiću, Hazimu Rančiću, Branku Zrni, Ivi Miri Joviću, Dušanki Majkić, Slobodanu Šarabi i Ademu Huskiću

PREDMET: Informacija o sastanku predsjedavajućeg Zajedničke komisije za odbranu i sigurnost BiH s ambasadoricom Kraljevine Danske u BiH

Predsjedavajući Zajedničke komisije za odbranu i sigurnost BiH Branko Zrno susreo se, 10. 3. 2010., s ambasadoricom Kraljevine Danske u BiH Nj. E. Kirsten Geelan. Sastanku je, u ime Ureda sekretara Komisije, prisustvovala Dragica Hinić, sekretar Zajedničke komisije za odbranu i sigurnost BiH.

Ambasadorica Geelan zahvalila se predsjedavajućem Zajedničke komisije na spremnosti za održavanje ovog sastanka, te zamolila za određene informacije o radu ove komisije. Zanimala su je, prije svega, pitanja vezana za eventualno slanje pripadnika Oružanih snaga BiH u misiju „ISAF“ u Afganistanu, za koje postoji ponuda Danske da djeluju u okviru njenog kontingenta, te pitanje raspodjele budžetskih sredstava za potrebe odbrane, koji je najvećim dijelom raspoređen za personal, a manje za obuku, nabavku opreme i sl. Naglasila je također da Danska nije podržala prethodnu aplikaciju BiH za pristupanje Akcionom planu za članstvo (MAP). Zanimalo je da li ima pomaka koji bi nam omogućili da se ta aplikacija prihvati na sljedećem samitu NATO-a u Talinu, te kakvo je inače raspoloženje u BiH u vezi sa članstvom u NATO-u.

Branko Zrno upoznao je ambasadoricu o radu Zajedničke komisije, njenim aktivnostima u zemlji i inozemstvu. Posebno se osvrnuo na pitanje eventualnog angažmana pripadnika Oružanih snaga BiH u misiji „ISAF“ u Afganistanu, kao i na probleme s kojima se Ministarstvo odbrane BiH i Oružane snage BiH susreću u svom radu. To se, prije svega,

odnosi na tranziciju personala unutar OSBiH, zatim na rješavanje pitanja pokretne i nepokretne vojne imovine, te pitanje ogromnih višaka malog i lakog naoružanja koje se BiH treba riješiti. U odgovoru na postavljena pitanja istakao je da se kao jedna od najbližih opcija za učešće OSBiH u misiji „ISAF“ razmatra i angažman u okviru danskog kontingenta. Posebno je naglasio da vlasti u BiH imaju konsenzus u vezi s pristupanjem BiH MAP-u i punopravnom članstvu u NATO-u. Stoga je izrazio nadu da će zemlje članice NATO-a uočiti do sada postignuti napredak i podržati aplikaciju BiH na narednom samitu NATO-a u Talinu.

Na kraju je istakao da Zajednička komisija ima i odgovarajuće nadležnosti nad sigurnosnim sektorom na nivou BiH, te je dogovoreno da će o ovom pitanju biti riječi prilikom jednog od njihovih narednih susreta.

PREDSJEDAVAJUĆI KOMISIJE
Branko Zrno

Dostavljeno:

- naslovu
- a/a